

## ایمان، راهِ نجات

وختیکه بنی اسرائیل دَ بابل رسید، نَبُوکَدَنَصَر پادشاه دَ صاحب منصبای خُوامر کد که: "از بینِ ازینا خوبترین و نُوربَند ترین مردهای جوان ره که از بهترین فامِلا بشه بِگیرید. آدمای خانده شی ره انتخاب کنید تاکه فرهنگ و زبون از موره یاد بِگیره و بَلدے مو کار کنه."

دانیال قد سِه رفیق خُوام انتخاب شُد. خُدا فِکر ازوا ره واز کد تاکه زبو، آدبیات و هر رقم معلومات ره بُفامه. دَ دانیال امچنان قُدرت دَ که خاوها ره تعَبیر کنه. وختیکه درسِ سِه ساله پُوره شُد، پادشاه زیر تاثیر ذهن و ذکاوتِ از ای نفرا رفت و اونا ره اعضای دربار پادشاهی خُموقرر کد.

دَ هر مشوره که پادشاه قد ازونا مُوكد، اونا دَه برابر هر طالع بین و پالگر که دَ پادشاهی بابل پَیدا مُوشُد یاد

دَشت. يَگ وخت که پادشاه يَگ خَو عجِيب دِيد، دانیال خَو  
شى ره تعَبِير کد. پادشاه ازى غدر خوش شُده او ره ناظِر  
پَك مشاورِاي خُو مُقرر کد. پس دانیال از پادشاه درخاست  
کد و پادشاه رفِيقای دانیال، یعنی شَدَرَك، ميشك و  
عبدنِغو ره دَ بَخش اداره ولايت بايُل مُقرر کد.

اوخته، نَبُوكَدَنَصَر پادشاه يَگ مُجسَّمه كَطِ طِلَّايِ جور  
کده دَ بُرونِ شارِ بايُل نَصب کد. أمر کد که تمام کارکنای  
حُكُومتی باید بَلدَ افتتاح ازى مُجسَّمه حاضر شُنه و دَ  
پيش شى سجده کنه. وختِيکه تمام جم شُد جارچى جار زده  
گُفت: "آوازِ ڭلۇ و دِيگە آلاتِ مُوسِيقى ره مِيشنويٰد. دَمُو  
لَحضه که آوازِ ساز ره شنِيدِيد قد رُوى خُو افتته مُجسَّمه  
طِلَّايِ ره عِبادت کنيٰد. هرکسى که اي کار ره نَکنه دَ  
منے كوره داغ آتِش آندخته مُوشە."

بعضى از نفراتِ پادشاه او ره گُفت که: "آمو يهوديٰي که  
شُمو برای اداره ولايت مُقرر کده بودِيد حُكُم شُمو ره گوش

نَمُونه. أُونا خُدايون شُمو ره عِبادت نَمُونه و دَ پِيشِ مُجسّمه  
که شُمو جور کدید خَم نَمُوشه.

پادشاه قارشی آمد و شَدرَک، مِيشَک و عَبدِنِغُو ره طَلب کده  
گُفت: "آمی گَب راس آسته که شُمو دَ پِيشِ مُجسّمه ازمه  
سَجده نَمُوكنید؟ ما شُمو ره يگ چانسِ دِيگه آم مِيدُم: اگه  
دِيگه آمی کار ره کدید شُمو ره دَ منے کوره آتِش پورته  
مُونُم. پس کُدم خُدا مِيتَنه شُمو ره از دِستِ مه نِجات  
بِديه؟"

اوخته، آمُو هر سِه رفِيق گُفت: "اعلیٰ حضرت! مو از  
خود گون خُو دِفاع نَمُوكنی. آمُو خُدای که مو بَندهِ شی  
استی، اگه خاستِ ازو بَشه، او مِيتَنه مو ره از دِستِ تُو و از  
آتِشِ کوره نِجات بِديه. ولے اگه مَصلحتِ ازو نَبَشه، تُو دَ  
دل خُو آوِ يَخ بِزو که مو خُدايونِ تُو ره عِبادت نَمُوكنی و دَ  
پِيشِ مُجسّمهِ طِلايی تُو خَم نَمُوشی."

بعد از پادشاه امر کد که: "کوره آتش ره هفت برابر گرم کده اینا ره دَمنے شی پورته کنید." وختیکه گرم شد، هر سه ره بسته کده دَمنے کوره آتش آندخت. کوره آمُوقس گرم آمده بود که حتی آمو نفرای که اونا ره دَمنے شی پورته میکد سوختند.

پس نبُوكَدَنَصَر پادشاه تعجب کده از تخت خُو بال شُد و گفت: "مو دَمنے کوره سه نفر نَندختی؟ آلى چطور استه که چار نفر ره مینگرم که دَمنے آتش میگرد़ه؟ و مو اونا ره بسته کده دَآتش نَندختی؟ آلى خُو اونا واز، و سر حال دیده مُوشه؟ مگم چارمنه شی ملایکه واری معلوم مُوشه."

اوخته، پادشاه کُوي کده گفت: "شَدرَك، مِيشَك و عَبدِنِغو، بنده های خُدای مُتعال، از اونجی بُرو بیید." غیتیکه اونا از اونجی بُر شُد، تمام مردم دید که اونا سر حال استه. مُوي سر شی جُرمه نَشده بود، کالای شی سالم بود

و حتی اُونا سوخته آم بُوی نَمِیدَد.

و ختیکه نَبُوكَدَنَصَر اُونا ره دید گفت: "سپاسِ خُدای شَدَرَک، میشَک و عَبدِنِغَو ره که ملایکهِ خُو ره رَیی کده بنده گون خُو ره نِجات مِیدیه. بنده های شی دَ جای ازی که دِیگه خُدایو ره عِبادت کنه حاضر استه که زِندگی خُو ره دَ خطر بِندَزَه.

پس ما امر مُونُم که هرکس دَ هر جای که دَ خُدای از اینا بے احترامی کنه تباہ مُوشه. هیچ خُدای دِیگه نِیه که بِتَنه بنده گون خُو ره ای رقم نِجات بِدیه." پس پادشاه مقام شَدَرَک، میشَک و عَبدِنِغَو ره دَ ولایتِ بابُل بلند کد.